

Meeqqat 18-nit inorlugit ukiullit kinguaassiuutitigut atornerlunneqarsimasut, taakkunungalugu angajoqqaajusut/akisussaasut, tarnip nakorsaanik piaartumik ikiorserneqarnissamik periarfissaqalernissaannik pisinnaatitaaffeqalernissaat pillugu nassuiaasioqqullugit Naalakkersuisut peqquneqarnissaannik Inatsisartunut aalajangiiffigisassatut siunnersuut. Misissuineq periuserineqarsinnaasunik saqqummiussisussaq piviusunngornissaanullu pisariaqartinneqartunik takussutissiisussaq, tamatumani aningaasatigut allaffissornikkullu kingunissai ilanngullugit, kingusinnerpaamik UKA2023-qarnerani Inatsisartunut tunniunneqassaaq. Inatsisartunut Ilaasortamit Anna Wangenheimit saqqummiunneqartoq

pillugu

Ilaqtariinnermut Peqqissutsimullu Ataatsimiititaliap

siunnersuutit aappassaaneerreqarnerannut

ISUMALIUTISSIISUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Hans Peter Poulsen, Siumut, siulittaasoq
Inatsisartunut ilaasortaq Anna Wangenheim, Demokraatit, siulittaasup tullia
Inatsisartunut ilaasortaq Mikivsuk Thomassen, Inuit Ataqaatigiit
Inatsisartunut ilaasortaq Eqaluk Høegh, Inuit Ataqaatigiit
Inatsisartunut ilaasortaq Mala Høy Kuko, Siumut
Inatsisartunut ilaasortaq Aslak W. Jensen, Siumut
Inatsisartunut ilaasortaq Emmanuel Nuko, Naleraq

UPA2022-imi aprilip 28.-iani siullermeerinerup kingorna siunnersuut ataatsimiititaliap misissorpaa.

1. Siunnersuutip imarisaa siunertaalu

Meeqqat 18-nit inorlugit ukiullit kinguaassiuutitigut atornerlunneqarsimasut, taakkunungalugu angajoqqaajusut/akisussaasut, tarnip nakorsaanik piaartumik ikiorserneqarnissamik periarfissaqalernissaannik pisinnaatitaaffeqalernissaat matumani siunnersuuteqarnikkut siunnersuuteqartup anguniarpaa. Imarisassaanut tunngatillugu

periarfissanik allanik taakkunungalu qanoq naatsorsuutigisaqarneq pillugu kiisalu aningaassaqaarnikkut allaffissornikkullu kingunerisassat pillugit saqqummiisoqarnissaa siunnersuuteqartup kissaatigaa.

2. Siunnersuutip Inatsisartunit siullermeerneqarnera

Siunnersuut partiinit tamanit tapersorsorluarneqarpoq siunnersuullu Naalakkersuisunit aamma tapersorsorneqarluni.

3. Siunnersuutip aningaasatigut kingunerisassai

Aningaasatigut allaffissornikkullu kingunerisassai allaaserilluarneqarsimapput, atorfiliullu ukiumut aningaasarsiarisartagai qaangernaviarnagit. Ataatsimiititaliaq tassunga oqaaseqaatissaqaanngilaq.


4. Ataatsimiititaliap siunnersuummik suliarinninnera

Kinguaassiuutitigut atonerluisoqarsimatillugu meeqqanut angajoqqaavinullu suliniutit pitsanngorsarneqarnissaat pisariaqartinneqarnera pillugu annertuumik tapersorsorneqartoq ataatsimiititaliamit maluginiarneqarpoq

5. Ataatsimiititaliap inassuteqaatai

- Ataatsimitaliaq isumaqatigiittoq siunnersuutip akuerineqarnissaa inassutigaat
- Ataatsimiititaliaq isumaqatigiittoq sakkortunerpaamik Naalakkersuisunit kaammattuutigissavaa:
 - Kommuni suliniutit nassuiaasiornerminni imarisaanut tungassuteqartunik allaaserinninnermi eqqumaffigeqqullugit taamaalilluni taakku nassuiaammi allaaseralugillu ilanngunneqarsinnaaqqullugit

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappasaanigassanngortippaa.




Hans Peter Poulsen




Anna Wangenheim

Siulittaasoq




Mikivsuk Thomassen

Siulittaasup tullia



Eqaq Høegh

Mala Høy Kúko



Aslak W. Jensen



Emanuel Nûko